



*Sabtu, 4 Des 2021*

**Ogen: Esekiel 20:45-49**



**Api Selatan**



**A**pi Selatan e sada anding-andingen si ibahan Tuhan si arus ipeseh Nabi Eskiel man bangsa Israel. Api selatan e nuduhken sada ukumen si nandangi jadi man bangsa Israel si la patuh ngikutken Tuhan. Bangsa Dibata jine si erbahansa gara api ikerangen seh njajat ku utara. Jerusalem nari seh ku Samaria keru meseng ibahan api Dibata e. Kerina pagi iradasken alu api, la lit sada pe batang kayu e ertahan. Batang kayu e iandingken kalak si megegeh si sedekah enda jadi penggurun kalak Israel. La lit si ertahan, uga gia gegehna ras hebatna. Adi sedekah enda akapna man ban megehe ras la lit tandingenna, genduari Tuhan jadi tandingenna. Api e nutung kerina kalak si meganjang ukurna, si nimbak ras ngelawan Dibata.

Meberat kal akap Esekiel mpesehsa, sabap iabahan Tuhan arah anding-andingen. Banci saja mesera akap kalak pe ngankaisa. Esekiel pe latih akapna lalap mpeseh berita-berita i bas Tuhan nari, erkiteken si man pesehenken e brita ukumen. Banci saja kalak labo tek nandangi berita e, kata penaling-naling nge ngenca akapna, labo sada kejadi si tuhu-tuu pagi jadi. Amin bage gia Tuhan lalap erbelas man Esekiel lako nehken perkatan Tuhan man bangsaNa.

Tuhu, adi nehken berita ukumen bagi si metahat nge kita empesehsa man teman apaika man anggota jabu. Saba sada pe kita enda labo merincuh iukum. Janah sada pe min ola lit kita si iukum. Tapi perbahanen si meluat e labo tersinikken Dibata. Gara pusuh Dibata natap kejahatan bangsaNa. Kejahaten e la sada-sada, tapi 'menjemaah.' Menam kerina ngelakokensa. E maka kerina kang iradasken alu api si mesangat. Ise pe la baci puluh i bas ukumen e nari. Sura-sura Tuhan gelah kita lalap nulih kempak Tuhan. Situhuna alu lasigejap si ibahan Tuhan e guna kiniulinta.

*Kai si iperintahken Tuhan, kerinana jadi*